

沅
湘
耆
舊
集

沅湘耆舊集卷第一百四十

新化鄧顯鶴湘臯編輯

湘陰左宗植仲基校訂

瞿館陶家鑒

六十一首

家鑒字吾山瀏陽人嘉慶戊辰進士歷官常德府
教授江南興化縣山東館陶縣知縣有微雨春草
山房小草四卷其以微雨春草名集者云少貧無
力購書專習舉子業閒作五七律詩以興試帖近
也偶春夜雨時誦韋蘇州微雨夜來過不知春草
生之句而好之嗣後屢綦所至每聞夜雨聲輒憶
斯境自念庭闈岬嶠之望友朋風雨之思水陸舟

車羈客勞人之脞歎前塵夢影彷彿如誦微雨春
草時歲月忽忽凡幾過真有不堪回首而又不
敢回首之情鬱於中而不能自已也因顏所居曰
微雨春草山房集因以名焉其語如此可謂善言
性情矣余與吾山未謀面稍從吾師許先生及陶
文毅公許見其詩文粗悉其梗概因有意乎其爲
人今年春是集將刊成一夜夢吾山同何文安公
來山中晤談甚洽次晨笑語兒輩曰聞吾山健在
豈欲附名耆舊乎閱日陳堯農水部以其集來知
果於歲前歸道山展閱其首則文安公序也異哉
余生時墮地不哭俗云夢生故生平每多異夢

吾山集亦然此又一奇也因輯其詩爲一卷而并

識之如此

何文安公陵漢徵雨春草堂詩序略云與吾山交三十餘年矣去年以需次至

都時時過從談藝甚樂旋出爲館陶令頃以徵雨春草堂詩刻郵示余迫官事鞅掌又歲莫風雪促短屠綽略讀過未及往復然而忠孝之性師友之誼感時紀事弔古述懷名篇雋句絡繹滂沛如壑源之波挹之而愈深也如幽谷之蘭采之而益遐也如布帛菽粟至樸至淡而日用不可厭也非有深於詩之外者能如是乎春風已來衙齋晝清訟庭花開甘雨滿街想見微雨春草堂中吟聲出於戶外也

詠史

鄧侯宗黃老武鄉讀申韓苟能通其意亦足致治安拘儒侈道德棄彼如蒯瞶處則談孔孟出則陋文桓只愁人代馬不信身是糴所以王介甫因之用周官

禹功首冀州湯都石太行據大河南北五遷疲殷商自從
河南徙底績勞宣房故道九河廢泛濫滋猖狂古人稱四
瀆豈料合淮黃藉清以刷濁淮弱敵河強閉戶讀古書攬
轡過大梁

周禮陳六官大學釋十傳諄諄言理財莫疑古書贗唐皇
極皇侈漢武黷征戰人滿物力耗天地生亦倦况值天寶
末藩鎮多事變區區權醯使可廢度支院錢多權子母物
極徵貴賤巧設常平倉官民兩方便國用與軍需咄咄一
手辦下無征斂煩上無貧寡患不學漢桑孔須知唐劉晏
貞觀有政要口分世業均徭爲租庸調數傳不肖遵後儒
滋議論謂古難便民時勢使之然千秋遂因循取民正供

制約計十一分豪家收大半暴斂如強秦日擁富厚貲賧
削及窮民富者日以富貧者日以貧一家七八口四體終
歲勤輟耕歎隴畔負耒越鄉鄰斯民爲邦本衣食乃其因
但均富民租租均田不均分享正供外悉土乃悉臣誰能
變成局原隰旬昀行且驅情遊努力歸耕耘人情重井
里豈獨親其親

魯隱祭鍾巫楚平紐當璧内外文異詞春秋有直筆藝祖
禪太宗立長無成格待汝自爲之千古疑不白舉族盡北
轅高廟絕支嫡賢哉孝宗孝雲初點檢籍天道有平反國
祚無損益不然傳九君人材媿旦奭神宗號英主胡乃偏
側席內耗錢青苗外增幣金帛引用皆匪人黨禍一何劇

坐使花石綱陸沈天水碧我聞趙德昭後身王安石

京東水田議昔聞虞伯生陂渠資灌溉旱澇備雨晴人工
補天憾神禹溝洫精厥後沈文襄備倭十萬兵籌辦軍儲
外倉穀多餘贏地利無今古人謀有廢興南漕百萬艘腳
重身價輕納粟與納程禹貢計里程燿原浮言動終篇誠
盤庚治法需治人謀事豈難成

雜言

出門僮僕親在家妻孥賤困苦情易真歡娛情易變苦歡
不自知鳩毒是安宴姜氏戒敗名羞見懷嬴面

蘇秦從六國張儀橫嬴秦從則秦氏弱橫則六國分稱張
不稱蘇成敗論古人毋乃揣摩術至今不保身彼身何足

惜三季從此淪

職業生四民遊惰在官屬官屬日以增民生日以蹙一官
捧檄至吏胥與僮僕各各有室家仰事而俯畜不織而文
繡不耕而粱肉嗟我民膏脂充爾輩饘粥朽索愁駟馬走
險防鋌鹿何如驅惰農工作兼販鬻有田不歸耕翻求代
耕祿

韓公瀧

南條一幹山五嶺左臂中絲互跨楚粵乳源貫其胸兩山
夾川小水石相撻撞榜人競雞酒云下韓公瀧公立長慶
朝剛正本明聰少隨兄宦遊始興有芳蹤繼令陽山縣仍
復蒞此邦最後刺潮州重棹舊遊艘東人與公舊三來東

粵東衣裳公惠我信宿我聞公湘南近隣客惡遊無懼棕
而公蓋代人過此山萬重忠心炳口赤塵顏借酒紅烏用
裘裘物濟人乃其衷公之神在地如潮萬派通公之神在
天如斗嶽星宗雲開衡嶽曉浪靜龍流降生本川嶽靈川
嶽仍效忠是集義配道浩氣亘長虹萬古此山水何人繼
其風

泮林鳥

自注門斗葉生母病剖
股詩以誌之并以自訟

泮林鳥泮林鳥反哺舊雛兒兒寒母寒兒饑母饑兒翼而
飛而母病且衰割兒臂齧母齒兒刳創母病起殘體雖非
孝鳥鳥何至此柔驥莫食鴟鵂母腦乃翔翔文同莫窺
雉雉長羽翼斯舉矣君不見噉噉鳳鳴高梧不反哺只

將雛鳳雛不反哺鳳鳥不如鳥吁嗟乎鳳鳥不如鳥

峽山飛來寺 有引

舊名二禺山黃帝二少子隱此梁時有二方士往舒州
延祚寺叩眞俊師曰峽山據清遠上遊欲建一道場俊
許諾夜風雨大作忽神運至此俊坐作偈語曰此山飛
來何不去聞空答云動不如靜因號飛來寺

子晉笙緱山鶴靈王有頽東周削弄玉簫秦女鳳始皇已
醉鈞天夢乃聞黃帝二少子遠棄天家如敝屣荀環姬姑
賜姓多蠻雨蠻煙開疆始不同荆蠻採藥行不同首陽採
薇死胡獨禺山七十里吁嗟此事豈譌傳黃老原在六經
前帝子氣體無凡骨若非成佛定生天清遠上遊標勝概

林泉獨愛山水偏梵宮尚有飛來術朝觀豈無縮地緣富貴前生多衲子英雄末路歸神仙萬事一動不如靜此是吾宗清淨境寄語人間真俊師當頭一喝要猛省我知古人好奇跡不能勲華乃仙釋君不見蒼梧雲去江漢流韶

州竟畱簡韶石

自注韶州東北山多相傳舜奏樂於此故名

錦石山

自注一名華表山對岸羅旁卸舟陸行西帝二十里舊傳陸賈禱此山後歸被以錦綳纒

雜植花卉因名說粵書載明萬歷時猺人嘯聚羅山山下有大藤橫過江岸畫伏水夜出賊呼此山為天石將軍輒應聲則緣藤渡江行劫至更盡賊還藤石沒水陳璘大破之斬藤為衙鼓在令肇慶四會會中

武帝十萬師祈招徧馬跡文帝一紙書存問通使客白鶴

虛傳華表仙翠羽榮歸錦衣石萬仞淩水砥中流一柱擎

天閣南極南粵尉佗願稱臣

自注陸賈默情語

天石將軍有助賊

深山大澤蛇虺生垢汚蟻虱一身成封狐狼罷伏草莽山
魑木魅皆刀兵夜行晝伏隨鼠竄老藤將毋夢草精石不
能言乃或憑俗口妄說山靈誣伏波何如陸大夫儘有資
裝載歸石翻將蕙苾作明珠君不見陳公英姿性好武一
聲霹靂縱斤斧陸公流寓喜能文自注宋梁竑過四山兒
此夢陸公索詩孫奉天柱石兮喚不磨巖巖立千古藤兮夜有靈蓁蓁報
五鼓

謁周節愍公祠

自注公諱二南崇禎時殞節劉之
官渡邑有祠省垣有蔡周二忠祠

烽火被郊天昏黑義士裹創鼓不絕節愍與蔡忠烈肝
膽如劍心如鐵賊不殺公公殺賊惜哉後死未得殲賊徒
畫碧簡青簡報國九州鼎沸異傳聞博得天朝兩字恩

瀏水照公心
滇水招公魂
男兒得死所
含笑逢江門
土花空碧
萋宏血杯酒
誰酌要離墳
百八十年太平春
草公祠廟妥
公神君不見
桐鄉里百年遺愛
如人子况是我公
英魂毅魄之所履
風雨疑聞喚渡河
嗚咽長流官渡水

自注公盡

節東鄉官渡

馬井道中避雨書贈主人

空林積雨懸樹杪
有人煙曲徑通茅舍
分流灌稻田獨求
代耕祿尙少買山錢
何日成歸計隨君結
數椽

舟行四首

記得春三月維舟綠水涯
蒹葭垂柳岸信宿捕魚家
薄宦長貧賤流光老歲華
至今風露冷南雁下平沙

一水無邊浮光倒浸天湖平舟似芥隄遠樹如煙生
人迷渡剛聞客叩船風吹無順逆恰趁往來便

雨歇夕陽明微風緩緩行沿隄村落出隔水暝煙生
秋醪賤帆搖客舫輕不知徐領略僮僕促嚴程

冷官原似客一歲路重經牛飯荒畬健漁歌水汊腥
翹淺渚烏鬼聚寒汀何處天隨子高風足典型

初二日宿清溪驛

自注卽湛甘泉清溪閣舊址

好友王新建名師陳白沙人難得豪傑天不陋荒遐佳節
又三日春風今幾家滔滔北來水何事老年華

秋夜苦雨不寐示溥兒

臥病兼旬雨荒齋秋氣涼露從前月白風撼一林黃老覺

鬢絲促夜愁更漏長簷聲偏聒耳書味在鐙光

遊飛雲洞

半嶺鐘聲樹杪聞危巖萬仞倚斜暉何年開闢此幽洞世
事往來空白雲咫尺諸天山約住東西兩淵瀑平分淪泉
一掬慈悲水好爲勞人滌俗氛

自注中有
大士像

夜坐山堂感懷

西風蕭瑟嫩涼生振觸家山無限情金甌瘴煙獅子嶺蘆
笙邊吹夜郎城寒蟲壁上疏鐙影細雨窗前落葉聲底事
終宵眠不得厭聽牆外短長更

重修宋大夫墓

英靈猶伴左徒旁九辨歌高續九章楚派風騷開漢魏周

衰文獻付荆湘巫山雲摘千年豔澧水蘭生一瓣香終古
墓門呵護在招魂原不倩巫陽

高臺已廢曲池平落日荒煙弔故城一脈斯文憑後死庶
民不譽是先生可憐神女高堂夢都作陽春白雪聲何似
楚宮蕪沒久江離沅芷不勝情

有李生者攜其祖三餘吟稿見示敬賦小詩

陽九奇逢百六天少微同輩昔人先

自注翁值明季遇難尋免曾祖邑庠君被

執後代作

飛觴勸雨憐南史

自注翁晚年工詩

作賦從軍悼仲宣

心傷已空塵世劫詩餘猶見吏民賢

自注翁曾辟縣掾

祇今故老

風流在相隔承平二百年

輓同年李榮齋二首

鵬鳥何來促宦程一場短夢滅分明血殘蕭寺春衫碧腸
斷山陽夜笛聲有福死應增岱重此官生已抵淮清可憐
墨吏貪殘甚成就先生一大名

恩怨鴻媒翻復時同官叵測禍尤奇宦無半載生同盡身
有千秋死或知鶴弔已虛磨鏡具松風長護墓門碑

天章卹典光泉壤豈獨微臣感激思

案榮齋名毓昌山東人以進士分發江蘇卽用知
縣淮北振災奉檄履勘戶口憤山陽知縣某冒
浮報將以實聞令某百計陷之不從既無如何乃
唆其僕李祥等毒之以自盡聞喪歸夫人啟視衣
有血痕其叔某奔赴都察院鳴冤上聞驗實
下仲漢於理礫祥等剝心以祭而贈毓昌知
府子某賜舉人叔某亦給武舉御製詩立碑
亭於墓道以表之事在嘉慶十三年吾山此二詩
蓋紀實也

十一月二十日卽事

官梅比似野梅清有客來尋鷗鷺盟獨愧齋夫稱孝子

門才葉生

兼收書吏作門生

自注書識貴生兼受業補本學弟子員

春風歡

笑團藥會夜雨淋浪誦讀聲寒菜一畦數竿竹小園回憶
庚蘭成

送別許蓮舫刺史之官都梁

第一循良衆母慈要須才調足匡時六條箴作當官法萬
口碑鏤去後思借寇妄期重到久夢刀翻惜十年遲祝公
手把春風去採菊探梅慰別離

桃花紅數武陵春七載同舟共一身愛我更深知已感如
公不愧讀書人武城絃管有公事聲子班荆無世親兩地

一心都似水攸泉不隔五溪濱

案吾師官武陵十年惠政甚多吾山同僚知好言之親切非泛泛應酬可比故備錄之

向夕泊舟

負米聊爲百里馳西風一葉赴歸期
窗虛近水秋涼早岸濶浮天日落遲
伏枕鄉情沙雁病上船清氣草蟲知
白雲深處家山近應是門閭倚望時

偶感

賁士撝持百事難家風一例舊儒酸
冷官滋味成雞肋清鏡流年付鼠肝
驥櫪老余千里志牛衣累汝半生寒
祗今中饋無冬旨笑整春風苜蓿盤

讀明季逸詩

漢闕唐陵盡陸沈山河滿目淚沾襟國家浩劫畱殘魄心
事陳編付蠹蟬一代谷音遺老集千年離黍故宮心可憐
秋月春花鳥總是離騷澤畔吟

讀明史

眞成孤注帝親征爲賈深謀屬老成復辟也同迎鄭突立
君何苦罪貽甥永嘉南渡山河感靈武西歸禪受輕不悔
蒙塵危萬乘招魂榆塞尙多情

濮議纔終又醺壇清詞容易犯顏難臣甘萬死投龍首主
愛長生諱馬肝臚舉酒關心不豫爰書稿削膽初寒相公
門第談家世青史功名有范韓

垂簾無復覩慈容結業江陵遂不從曹署官司空莫補巾

涓壘使橫難供爰公案爭三黨犬吠深宮悶九重朝政

雖衰民俗好昇平猶是說神宗

自注見牧齋詩

清議排成殿衛刑一朝人物殉宮腥閹奴直到九千歲國
子何來陸萬齡唐末寇仇門南北漢衰黨錮慟桓靈可憐
畱得烏程酒醉倒天心死不醒

水火中朝忘厝薪昆池浩劫海揚塵須知潰爛黃巾賊大
半饑寒赤縣民多相有誰參廟算高皇無路叩天闥傷心
披髮畱遺詔消受艱難十七春

浮雲蒼狗故宮遙白下西風急暮潮燕子巢空詞客散桃
花魂讓美人招百年福祿新竝議一代興亡舊六朝若箇
夷吾在江左水天閒話賸漁樵

癸未冬盡不得渡海寓五羊城候瓊州信至

衣冠王氣鬱靈洲終古潮聲徹外流兩漢勲名官職並自
雨伏波將軍大蘇文字志林遭帆如海上風迴腳路到天南地
盡頭曾是昔人遷謫處至今繁富甲中州

述懷

十五年來感慨深春庚秋蟀總閒吟虛名易折終身福素
飽難安五夜心薪積後來餘散木桐餘爨下有焦琴移情
魚鳥都經過抵聽成連大海音

銷除五嶽莫撐胸踏徧關山路萬重苦憶少游驅款段休
嫌閩澤老書傭綢繆牖戶先防雨料理齏鹽好御冬經史
一牀家十口鄉情比似宦情濃

二十七日夜宿樂昌聞杜鵑

雨晴春社綠楊齊
草軟花香襯馬嘶
城市囂塵何處住
空山冷落少枝栖
自注去春茅園後少深林無此鳥
樹陰深裏愁秋鳩
塵夢甜時怯曉雞
勸客早歸歸有路
天涯試與盡情啼

二十九日過英德縣

郭索沙鳴水力微
東風綠過釣魚磯
懸天雨腳日微漏
拔地雲頭山欲飛
長晝閒銷幾餐飯
輕裝仍著去冬衣
家人日把歸期算
算到春歸我亦歸

初八日到韶關

一道虹橋鎖碧波
太平關外且經過
洋番異物中原耗
唐宋才人嶺外多
流寓有舟如賃廡
歸裝無石只詩歌
南來

御愛葵衣好煙雨濛濛作釣簑

十一自過郎廂村

峯環溪轉互潏洄
明色天從缺處開
浮世一心看水去
推篷兩面待山來
人難免俗何干吏
詩不闢書也費才
歸去洞庭誇楚客
觀濶新到海濱回

落葉

橘柚煙寒露佛幢
霜天遙撼應鐘撞
晴臯風急忽聞雨
夜院酒醒時打窗
五柳徑荒憐栗里
丹楓人冷話吳江
不知底事紛紛下
剛逐漁翁泛釣艣

前任羊亦星刺史
歿貧不能歸旅櫬
其孤十齡來瀏
賻贈者寥寥詩以悼之

鳳雛飄泊隔鄉關孤負棠陰一載甘謝客羅傷廷尉口絕
交書報秣陵函文人香火尊山左長吏風規憶道南菲屋
山邱今幾日更何人慟哭羊曇

半學齋初度感懷

去歲籃輿辭郡郭前年菊部醉京華至今邸館兒初度且
喜慈親客近家古樹日高鴉噪急暮天風勁雁行斜校書
窗下雙眸炯晴影纔無落葉遮

自注時目疾初瘳

去果來因口漸移攪人頭白是遊思科名拾鹿夢中夢仕
宦亡羊岐路歧老大無成嗟馬齒閒愁難理勝蠶絲寤生
不醒人閒事早定初生墮地時

自注問賤子初夢生也

七月二十八日泊舟邵伯埭阻風有感

自注時鴻兒往秦州

盈盈一水望孤蓬夢寐相思兩地同夜雨不堪鴻雁澤秋
天况值鯉魚風民無素蓄官難振邑有洪流策恐窮何日
得成公計結茅蔬食住山中

莊陽雜感

綠

郭枕

江濱跨鶴曾逢九烈君

自注前京邸侯

張

果選

一卷名園李文叔十年春夢杜司勳湖山聚

散雲千里今古興衰月二分試上平原南北望作歌猶憶

鮑參軍

竹西歌吹沸芳塵煙月邗江花樣新誰主騷壇執牛耳空
過華屋弔詞人銅山鑄盡難爲地瓊樹彫殘不是春好語
里間崇節儉以鹽唇蛤未全貧

風笛離亭愴客情
楊花如夢復如醒
本無遠志當歸草
况有還家杜宇聲
旅雁斷雲秋思切
棲鴉流水夕陽明
傷心

一夜蘭陔雪零落
冬青到寄生

自注連年遭骨肉之變

十年書劍沈青萍
檢點征衣感涕零
清鏡流年驚雪鬢
綠城芳草見秋螢
康園社燕春無主
官閣吟梅畫亦扃
客夢遠行更漏促
蟲聲訴與枕函聽

秋草

微雨淒涼惹蠅生
春暉盼斷幾陰晴
美人香草空遲莫
遊子征衣尙遠行
搖落久慙衰髮色
榮枯終負故園情
天涯賸有銷魂別
杯酒難澆傀儡平

秋聲幾日作新涼
蕭瑟關山夜有霜
地闊江湖叫鴻雁
天

圍漠野散牛 半開門雀噪餘荒徑
古道人行易夕陽萬馬
寒嘶塵不起 風清九塞罷邊防

南遊

江樹沈沈暝 不開漁翁曉汲傍
江隈昨宵雨過生秋永
無數船從滌口來

初七日過白土塘

自注是日清明

兼旬雨過少新晴 上塚龐家也出城
首歲能禁幾寒食
天涯愁絕子規耳

鷓鴣

半篙春雨夕陽邊 校行爭晴挂柳枝
正好烹魚傾酒勺 閑

沙上鸕鷀

沈湘耆舊集

卷第一

一

沈湘耆舊集 卷第一 一百四十終

沅湘耆舊集卷第一百四十二

新化鄧顯鶴湘臯編輯

湘陰左宗植仲基校訂

石御史承藻

三十九首

承藻字黼庭湘潭人嘉慶戊辰進士殿試一甲第
三名授職編修改御史歷工科給事中有桐葉山
房詩草湘潭石氏自軫餘副使萬程以忤璫間於
時世以氣節自負副使之孫逸彝與陶密庵同罹
癸巳之獄逸彝之子天際明經崙森畸人也嘗於
西直門衝仗伏謁 聖祖泣陳湖南疾苦
仁廟改容動聽給勘合回籍候質事得直民因遂

璉後爲怨家所中死於市黼庭之高祖也石氏既落子孫避難逃匿紛紛四竄久之明經之子觀雍正初以人材舉歷官固原刺史曾孫義源成進士官縣令黼庭之父也宦學有聲黼庭繼之躋躋巍科而石氏復振黼庭性坦率以湘潭案牽連謫光祿寺署正詩有雄直氣其書家難二作尤詩史也故備錄之

擬古

驅車上北邙白楊何鬱鬱悲風動地來荒邱照明月嗟彼繁華子歲月自奄忽生時金與玉死後閤枯骨懷古慕夷齊西山有薇蕨

故人在天末惠我以瑤琴結交爲知己千里共一心耿耿
此長夜獨宿無重衾夢寐見髣髴起坐自沈吟思君彈淥
水月上青楓林欲知離別意但聽絃上音

古詩

羲皇去人遠世事多波瀾本乏匡時畧挾策復誰干撫劍
歸去來長歌行路難田家新酒熟鄰里共一歡起坐雜喧
笑粗糲飽我餐卽事聊自適守拙心所安臨流濯我足石
上可盤桓

將遊瑯琊臺次謝樸園韻

晨出東南門天際霞光絢瑯琊百里餘海風吹我面羣山
不斷青向背形屢變漸入巖翠間日光逗一綫雨過百卉

妍卽事欣所見我本澹蕩人去住無間戀仙侶快同遊冷
然有餘善

書陶雲汀中丞撫吳草後

國朝盛賢達吳楚富文章滄浪洞庭水移之此一方
砥南碕北閒復有小滄浪公餘足吟嘯政治流芬芳
湯陳數君外名賢幾頡頏卓哉長沙公銜命來金閭
撫時正艱鉅雲帆輸太倉立法甦災黎流移悉還鄉
奏入輒報可股肱帝曰良許身同稷契作詩森琳瑯
千篇盡民瘼字字沁肝腸我來值六月觸熱赴炎荒
假館遂兼旬爲我謀行藏蒼鼠竄高樹怪石羅方塘
徘徊新月上逍遙荷氣涼論文仍夙昔抵掌聲琅琅
素問索新詩獎借生輝光風誼公夙敦

江海歟汪洋千載有昌黎所至民不忘餘事及詩文湜籍
走且殭我雖異顯晦心跡故所臧願爲孟東野上不相朝
翔

浦江曉發緬懷吳宋諸公

夜雨響空城曉行聽流水浦江發新漲作勢怒未已危橋
一騁望濕雲猶四起昨登縣中樓身在衆峯裏仙華聳其
北斗如削數指鳳岡屈曲來抱郭形遷迤鍾靈毓文獻吳
宋茲故里正學來他方先後若鼎峙師友接淵源讀書存
舊址遙遙五百年我來生仰止肩輿陟前山飛瀑亂人耳
日夕返金華何處牧羊子

瑯琊臺望海歌

我昔過洞庭八百浩汪洋湘妃與龍女逸態紛翱翔又復
至龍門親睹禹鑿痕兩崖束巨浪瀕洞如雷奔北渡黃河
風浪惡南陟金焦氣寥廓胷中雲夢八九吞尙欠天池觀
海若今年訪舊來諸城肩輿遂促東南征山路崎嶇行復
止兩日濛濛雨不已潛心默禱如有神忽睹朝曦僕夫喜
羣山游龍勢蜿蜒中有輦道馳若弦紀邱原注山名前橫
如牛眠秦碑屹立瑯琊顛遙望海光纔一綫登高全豁東
洋面光明萬里碧琉璃始歎平生未經見雲影天光一鏡
平魚龍靜偃波不驚蔚藍上下渾無際時有海舟一葉西
南行西連日照山翠橫東望勞山雲霧輕向晚遠島尤分
明或如墨點如長城登高極目覽八瀛如驂鸞鶴遊太清

知有羣仙抗手迎便欲遺世輕浮名暮宿山頂夢寐絕星

斗錯落光晶瑩誰鼓天風海濤曲恍如成連海上移我情

君不見秦皇刻石二千載圭形剝落無光彩從臣官號鐫

不盡已見桑田變滄海徐市求仙去不還舟中男女貌空

妍臺前掘地得古瓦千秋萬歲

原注瓦上有此四字

嗟徒然中夜起

坐翫光景烏雲四合水際連五更披衣禮朝旭忽有紫氣

萬道衝青天須臾日向靈山

原注島名

出蕩漾破碎光不圓乍

離山頂若明鏡紅輪晃耀霞氣鮮摩盪心胷發狂叫三山

縹渺生眼前浮雲不蔽太陽現豈非向日心精堅聞道秋

冬迤南出水中湧現蓮花盤大珠

原注山名

纍纍走入海此中

窟宅棲神仙齋堂島近出海棗乘桴欲渡嗟無緣此水何

年積此日何年出舉杯
酹天吳乘興坐超逸
安得凌風直到斗牛旁
下視塵寰周八極

彭城畱別沈瘦山張丹村兩同年

黃河南流奪汴泗
徐關千里奔騰勢
大義仙人來力爭
一樓突兀撐雲際
憶昔對牀風雨眠
少游賦罷傳千年
月夜勝遊追太白
羽衣聞笛心悠然
黃茅岡頭瞰洲渚
西山缺處煙霞補
日斜廳事憶項王
劍去荒邱思亞父
芒碭飛來一片雲
羸顛劉蹶何紛紛
戲馬臺高花正簇
放鶴亭寬草又薰
故人此地足官府
握手衙齋逢舊雨
幾載相看半華髮
宦慵且復聽官鼓
張公昂藏目光大
人物權衡數流輩
沈郎肢弱不勝愁
鄉心已落湖山外
我辭京國來汗漫

指不覺流光換銀燭清尊慰別離揚帆又下江南岸
回首古彭門釀酒黃流弔夕曛縣水呂梁看咫尺孤蓬遙
夜更思君

費新橋同年招同周稚圭同年飲湖上

小時豔聽西湖久觀圖早覺落吾手竭來重上吳山頭左

江石湖樂無有昔我一家此倚寓

原注曾大父偕伯祖寓湖上先君先母繼至諸

其姑暨伯兄咸生此地今故居不可考

湖上流鶯嘯不住十里荷香入小樓

三春柳浪迷前渡滄桑換世幾人存萬瓦鱗鱗不知處祖

德前朝恩愛深太守風流不可尋

原注僉憲公明末官抗守有惠政

名賢

有追贍遺筆

原注城隍廟尊賢某公祠

想見當年鐵石心

故人置酒臨高閣差幸茲遊不蕭索窗閒正對半閒堂猶

笑平章賈秋壑周郎蘊藉如飲醇費禕風度更無倫京華
僂指同年輩年來落落嗟晨星諸公事業青冥際獨我江
潭仍侘傺相向三人視此心當筵何必問升沈六橋遙指
蘇隄路湖光半晌時晴陰回頭卻望錢江上我昨挂帆輕
破浪鏡水稽山飽看來海門龜赭濤聲壯江山如此足勾
畱弔古還生滿眼愁朱宮寂寞歸何處鳳皇山下成荒邱
故跡全非六百年諸陵誰復拜嘯鵑龍舟簫鼓存想像何
况清明上河圖畫空流傳惟有孤山梅鶴猶如故鐘打南
屏朝復暮尊前作達一高歌明日扁舟向何去汗漫先期
張海遊故人書寄嶺南頭相思遙望天邊月乘興還登萬
里樓

書賀耦庚同年題翰林直齋圖詩後

君昔高歌湘夢軒軟紅塵裏見家園

原注君官翰林以湘夢名軒同人繪圖歌

詠及今王事馳驅日又暮直廬揮彩筆心清白覺意超然

雪泥鴻爪記前緣麓院逢君美風度飄飄已識玉堂仙

原注

廿年前同君肄業嶽麓書院

鹿鳴佳宴憐豪放解頭早愜名師望

原注羅慎

清先生主講席以前

丁卯解元重宴鹿鳴澹墨新題姓字香馬蹏蹏躩天街上

與君並轡登瀛洲暢春西苑同遨遊薰風樂奏林閒鳥雲

月光臨水上樓詔許量才握冰鏡同鄉四子被

恩命羨

君衣錦得榮旋我賦皇華向三晉歸來遂題諫院名君猶

珥筆入承明視學并州君又出我亦歸作瀟湘行浮雲變

幻人事改一官落拓游江海春坊翻易五馬來芸館知心

幾人在去年五月過齊東君爲方伯聲隆隆別後封圻已
兼領秣陵改轍仍相逢名流自古占名勝賜第中山可乘
興御輦曾經天藻閣至今花木瞻園盛亭臺高下最宜
人秋花爛漫闕三春眼前風物猶如此卻憶花開上苑新
岸舟酬唱多佳作十載以來無此樂

原注君款余瞻園西
南面水小齋額曰岸

舟君出茲圖索我詩君詩已是崔黃鶴君言外吏才非萊

廼初地神安恬謳歌歲歲東南遍得非才大彌摛謙我
謂宦途無措意廊廟封圻原一致煌煌天語勗名臣

九重早自隆倚畀卽看節鉞建功勳湛露三霄答聖君

彤廷褒職君須補禁苑追趨曉漏聞我思把釣湘江曲
迹漁樵伴耕牧霖雨蒼生仰故人笑看隴畔驅黃犢葛巾

野服少逢迎閒從田父話枯榮竹風驚破茅簷夢錯疑鈴
索響西清

書太高祖逸薈公獄中寫金剛經後

黃雲障日鼓聲死將軍頭斷深溝裏

原注何公騰蛟戰死流水溝

孤城

效死爲國殤碧血千秋照湘水

原注城中遭兵無一存者今湘燐化碧是其產骨處

洞庭汗漫連九疑三湘忽舉落日旗

原注先是議起兵者八家約於洞庭舉事

未成其後巡撫某至以貪酷聞忽與大獄湖湘知名士株連三百餘人公以癸巳春與西寧陶太史同時入獄凡十

月赭山大索天地閉圓扉寂寂空生悲經編字跡羨里琴

殷若爲明不二心乳虎一怒三木備操觚不得空沈吟

原注

獄中累石爲臺積土而坐寫金剛經至第五部爲鄉守張

所怒督吏平其土百加以桎梏遂不得書既出乃足成之
臨鞠呼天天亦震神宮煅煉威方峻衝霄一縷氣如虹上

步清齋書集卷之四十一

帝直造風雷同
原注會審武當宮三木交加忽烈風雷雨

大入天變可畏遂從諸刑見伯高祖天半公追述入章之

一居然後赫生神宮感名轟雷與烈風應是天心呵護在

榮木堂集及石邨詩集後人追思述先德八章缺七存其

一抗疏賴有天水翁覆盆重得瞻天曰
原注時趙長沙三疏參劾有旨侯

經畧到長沙平釋見石邨
忠良幾輩遭厄窮堂開偃月

詩註及陶太史寧鄉志序

笑聲中貪人羅織計誠險元老平反秉至公我捧遺經紛

雨泣感茲手澤重什襲心正筆正變不驚能使百年間故

笈蒐訪名山心力殫文獻猶存紹述難原注是經得於南嶽後山下半道某

寺中朱子同南軒宿處傳家一綫憑忠孝奕葉流芳彈鐵

時庚辰正月三日大雪

小埠橋行為高祖明經公作
原注余丈湘潭竹枝詞有石先輩永訣處一首

通濟譙樓入望遙半邊街下水道迢迢春流不洗
其宏若千古心酸小埠橋演為長歌以紀其事

通濟譙樓面湘水石岸何年忽崩圯雲黑天昏為慘愁雨

洗其宏血不流原注故老傳公遇難時天日昏黑頃忽千大雨血凝不流石岸崩摧屢修輒圯

家失聲萬人哭爾日湘城嗟吏酷汨川行客弔高墳狐兔

穴餘豐草綠原注邑令某實構陷之近有人過其墓無子孫矣湖南逆藩蹂躪後

戶口流亡十八九六年蠲免主恩深百萬私徵官橐厚

書生旅食京華春西直門前見聖人敢效賈生甘痛哭還

同鄭俠繪流民原注事見陳情紀事天顏一見生惻憫勅下西曹

牒楚尹原注侍衛韓處坎傳具奏發湖廣總督湖北巡撫會審為國為民生

無罪煌煌天語聞遐邇原注當有為國為民無罪生員之諭驛傳官兵

護送頻要留活命俟親詢事關朋比生欺蔽冤沈莫白圓

元明書卷八

扉內裁兵忽變官舍空死事惟聞有葉公

原注審不得直下獄索未結值

武昌被兵夏包子之變官皆逃匿葉公映榴死之

易服縋城知勇全揚鞭飛騎下

江天關津一一書名姓身歸司寇纔安然

原注夏包子將劫獄欲汚公家

人謂知縣其良馬置城下告公公義不受汚易服縋城下後免遂走江南所過城門驛站輒自書名徑投刑部既而

有經以入奏者其誣立白云

鬼蜮含沙猶射影九重鑒察超幾先日

角龍顏欣再覩草茅何幸蒙溫語賜九賜杖荷恩隆願

得放還仍科舉事白飄然湖海遊黃山白嶽時勾畱名流

縞紵交投獻十年不合返鄉縣指佞生來嫉惡嚴漏網猶

存巧搆煽風波亭上獄竟成志士成仁又何怨

原注事見明冤錄

憶昔三湘氣象新澤枯起瘠慶回春山陬海澨恩綸遍

連年振貸感皇仁入告何人資沃敷戶祝難忘爭頂禮

買絲戶戶繡平原賺金家家鑄范蠡一朝毀室兼覆巢子

戍山左

原注曾伯祖與山公

孫匿姚

原注從伯祖介如公避難桐四城姚氏即今伯昂學士之祖

歲孤兒託黃氏

原注曾祖固原公寄本邑黃太史家遂聯姻焉

側室矢志冰雪操

原注劉太孺人以撫孤苦節旌表

皇天不絕忠義後幾年漸復家園舊西

州刺史氣縱橫綽楔榮褒胄堂構節孝傳家澤再延紫泥

忝竊孫枝又平生白許范希文千載流傳一章奏梓花詩

社久寥寥

原注公與同人建芹花詩社

詞客心酸小埠橋天道好還有

如此回首湘江憾未銷

雨中登拱極樓

危樓懸百尺四面敞簷檻雨重雲迷嶽江空浪撼城千櫓

收浦暗一鷺立沙明清絕瀟湘地應深弔古情

鐵佛寺浮圖

佛地千年在霞標四望開湖光隨塔湧嶽色過江來馬氏
餘荒圃陶公尙古臺風雲眞浩蕩北極首重迴

從沔陽出漢口

連朝浮漢沔孤棹水潒洞忽覺煙波濶仙樓入望來雨中
檣艣集雲裏畫圖開歲歲芳洲綠梅花一笛哀

由橘洲渡嶽麓

汀洲微雨後碧草正萋萋遠水數帆出春城一角低泥香
看燕掠樹密有鶯啼共話船齋事亭亭日又西

原注船齋見嶽麓志

同張螺山飲橘洲江樓

張公湖海客詞賦氣凌雲波浪移尊去江樓正夕曛嶽麓

高欲墮汀草細含薰醉倒月光出狂歌兩岸聞

蒲城晚眺

中條看不盡驅馬到蒲州嶽色臨關迴河聲帶雨流谷泉
尋舊隱旅雁人新秋桑落今宵酒攜尊鶴雀樓

河東道上作

原注將省家
室於曲沃

征車經半載客路繞千山好月宵臨坂清霜曉出關馬嘶
青草渡家憶白雲灣妻子仍萍寄何時一破顏

岳陽樓

洞庭青草望中開獨倚層樓數舉杯水勢直吞麋子國湖
光高射楚王臺天邊日落千帆出檻外風生一笛哀招手
仙人騎鶴返蒼梧雲影正徘徊

步往書身
卷第四十一
重登岳陽樓

郡城樓畔此重登
徙倚蒼茫遠興乘
千里夕陽連大別
九江風色赴東陵
藥鑪經卷期他日
遷客騷人感昔曾
欲向灘湖尋古寺
夜深漁火似瀟蒸

渡揚子江作

江天一望晚蕭蕭
揚子西風上短橈
隔岸夕陽京口樹
中流雨色海門潮
金山寺古鐘聲出
鐵甕城荒霸氣銷
鼙鼓從來征戰地
誰尋故壘問前朝

濟源作

征輶昨夜渡黃河
又溯名川此地過
郭外泉源王屋遠
馬前秋色太行多
古祠日落供蘋藻
盤谷風清繞薜蘿
今夕

荷香故人酒金盞相對且高歌

登樓霞絕頂

天風扶我上層霄絕頂珠宮鎖寂寥雲氣白沈鍾阜雨海
門青送大江洲梅花二月寒猶放塞雁三春影漸遙夢裏
煙霞今始慰有人吹笛坐相邀

偶憶湖湘之勝欲歸未得詩以言志

文獻南天孰網羅靈均而後幾高歌春來楚澤多芳草夢
繞湘山帶女蘿宰相芋分衡岳火仙人酒醉洞庭波鷓鴣
嘯罷不歸去白首低垂意若何

一別山中歲月長騷人惟念菱荷裳夕陽小市魚鰕美細
雨千家橘柚黃漫誦衡宮呼屈宋可能唱和續朱張古來

清絕湖湘地
歷年時立莽蒼

真傳棲遲故宅
荒舟停杜老岸
花香圭齋大筆
提文苑懷
麓風流富樂章
八景臺邊秋月白
合江亭畔晚雲涼
名山著述資清淑
難忘湘西舊草堂

耆舊流傳賴後儒
殘編蒐輯效區區
赤文綠字昌黎哭
穹

谷迴溪子厚思遺老
尙思陶郭在

原注登陽郭吏部天門
寧鄉陶太史仲調兩先

生騷壇名宿

名流得似李王無

原注衡山王而農善化李剛哲
兩先生遺於經學湖南第一流

也側身天地餘雙鬢
萬古騷壇要手扶

春意

楊柳千萬絲
春光在何許
獨自捲珠簾
含情嬌不語

松下

一枕松風下醺來露溼衣不知明月上惟見數禽歸

桐葉山房

幽居無一事讀罷掩柴扉嘯鳥有時歇白雲終日飛

寄崙谷

去歲梁城雲今年江水波相思不相見只有白雲多

潮音庵

樹杪風徐來池邊月初上獨立悄無言時聞百蟲響

送鮑漱六

定王城外柳穆穆二月鶯花畫意酣相送河橋一回首綠
波春水似江南

固關

古木巉巖不可攀
旌旗獵獵戍樓閒
孤城萬仞青天上
鼓角聲中出固關

題湘江返棹圖

一葉扁舟起夢思
石公山下舊茅茨
憶君遙在五湖月
卻話瀟湘夜雨時

舟行卽事

原注從保陽往浹津

不見當年趙北橋
布帆無恙盪輕橈
東風盡日吹楊柳
十里湖光欲上潮

渡彭蠡

秋水長天色不分
屏風幾疊碧氤氳
孤舟搖曳明湖裏
臥看匡廬生白雲

題賢崑來西園感舊圖圖爲吳山尊侍講作

玉堂仙人騎鶴去酒冷香銷又幾秋誰做龍眠圖雅集春
風灑淚過西州

楊昭傑延亮 二十八首

延亮字菊泉別號月塘樵隱長沙人舉嘉慶癸酉
湖南鄉試第一庚辰成進士除山西趙城知縣道
光乙未教匪林清餘黨曹順等作亂遇害母及妻
子闔門死者十八人事聞照強克捷例賜卹予
謚昭傑有月塘樵唱四卷昭傑母吳夫人名家相
賢媛也有繡餘詩集昭傑幼承母訓髫年卽解音
律舉鄉試時年甫弱冠所爲詩已近千首今所行

月塘樵唱皆少作也古詩馳騁跌蕩近體清腴圓
轉如彈丸脫手毛青垣爲余言嘗見昭傑近作趙
城雜詠八首卓然可傳閱之洵然昭傑遇難先二
日有詩云我本不欲生忽然生在世我亦不願死
無端死將至未生與已死其理本無二轉憾天地
閒多此一番事其明於死生之故如此豈偶然哉
昭傑闔門殉難令妻壽母同赴逆醢童烏嬌女共
爲國殤聖心憫惻給銜賜卹予謚立祠所以待
死事之臣厚矣而毅魄久歸芳祠闔若穿中之文
不聞麗牲之石未具邦人無有議及此者似非所
以妥忠魂而重國典余生平不識昭傑曾作趙

城令死事述文存集中今輯其詩復爲之歎歎太

息不已蓋非第秉彝之良亦悠悠我里之瘁也附錄

顯鶴山西趙城縣知縣楊君死事述教匪之禍烈
矣自嘉慶初煽亂起楚之當陽蔓延川陝豫老師
糜餉歷七八年之久始克戡定十八年逆賊林清
等肅聚畿輔震驚宮闕其黨李文成牛亮臣馮克
善徐安惲朱成貴崔士俊布滿山東河南直隸約
同時並起滑縣令強克捷首先械繫文成亮臣故
縣吏事洩謀亟出文成不及期遽叛據滑縣克捷
全家被害滑亂林清起事失外援勢孤得應時撲
滅仁宗皇帝諭殲賊功以克捷爲第一賜諡建
祠推恩擢用其子逢泰備樞直望泰官內閣所以
軫恤追念之者甚至閏二十年而有山西趙城之
變韓奇者故林清黨也與韓健俱以邪教事曹順
蓄異謀久時長沙楊君令趙城偵知將禽治其黨
而未有以發也魏均選亦師事順繼悔其所爲益
以情輸縣順等事急日謀逆城北寺僧某素無賴
順往來僧寺陰以兵法部勒其衆謀既定遂昏夜
入縣署爲亂并出監犯李鐵嘴等助逆君聞變朝
服坐堂皇呼賊大罵順錯愕不知所爲欲遁僧力

持之順乃揮其黨戕君遂遇害賊縱火焚署君母及妻子女幕客家丁婢媼同死者十人時道光十五年三月初四日也事聞奉旨照強克捷例給銜賜卹賞給騎都尉世職建立專祠予諡昭傑母妻子女及家客從死諸人分別附祠君諱延亮字菊泉長沙人父華甫國子監生母吳氏賢而工詩君幼慧性端慤弱冠舉嘉慶十八年湖南鄉試第一踰五年成進士分發山西即用知縣凡官趙城十五年而變作未變之先君奉部檄以資升雲南南安州矣會吏有求於君不得故遲其檄不下遂及於難君妻傅氏湘陰人子四人淦萬濬萬潛萬其一未名女二人長各紹韓僕郭雲幕友則浙人楊鼎成也餘及婢媼姓名皆逸其子師陳杜賢身被二十餘創未殊賊既焚官署將徧屠趙城分掠霍州洪洞君戚陳廣開道走告急得備賊以是不得四竄其黨至霍州流人褚甲者從霍城上挾雙刀跳而下大呼殺賊手刃數人霍人禦而從賊驚遁陳廣乃返收各屍於灰燼中具棺殮如禮廬君同縣人縣學生爲余言君母及妻皆手殮而目猶可辨云廣又言君長子聘黃氏女聞變時自經以救得免遂墨縗赴君家守義黃氏故善化名族女知書曉大義廣西太平守夜召其從曾祖也例

得並書

放歌行

霜風獵獵霜天高天青月白明秋豪掉頭大笑冠纓絕
視萬物輕鴻毛人生既非金與石那與天地同堅牢前千
萬年後百世奔流日夕同滔滔我生得年甫二十意氣直
比元龍豪讀書欲窮五經旨飲酒欲盡千鍾醪左招安期
右梅福醉後起舞祛煩惱足跨太乙鯨手持吏部螯豁然
長嘯隘八極大海倒瀉天風號男兒立身貴卓犖驅逐往
昔如追逃所言必姚姒所志必夔臯七尺軀三寸舌不爲
夷旦終蕭曹安能肘不佩相印身不羅星旌徒然休休莫
莫作歧路之楊朱窮途之阮籍日使萬慮擾擾相煎熬旣

自歌旋自笑拔劍斫地心陶陶眼前窮達且勿問一竿來釣滄江鰲

長歌行贈吳渭占

洞庭冥嶽峯崔嵬有如置我蓬山隈延陵季子古傑士招我同醉千鍾醕酒酣起舞發大笑塵世擾擾空喧呶人生窮達本預定奔走竭蹶胡爲哉昨日歡娛復今日兩丸烏兔當頭催試看來去恩恩幾萬世銷盡多少抑塞磊落之奇才韓棱三尺劍郭隗千金臺杜陵悲歌阮籍哭生捋華屋終蒿萊何如放情凌六幕洗眼瞰八垓前招盧敖後若士手撥萬古雲羅開不上蘇秦書不鑿顏闔坏腹中磊落五經笥面上撲邀三斗埃長空鶴千仞滄海鯨一杯戛然

長嘯倚天立北斗搖動江波墮安用賦詩彷彿四愁作歌也
七哀禍衡刺字歎漫滅馮諼長缺吟歸來依然空謁華州
相倒縹苗若孩致使千秋萬世匡居坐論客屈指我輩吃
吃相嘲哈我聞君言壯君志爲君更酌黃金罍嗚呼此心
予與女世上兒子誰王裴忼慨唾壺盡擊缺高歌梁甫天
風迴

戲作僻韻詩

小飲聊同陸躬耕每羨麗風來停羽簃木落露烟雙野成
三秋笛荒邨五夜柳自憐岑寂甚耶聽足音登
曲逕轉迂威秋來百卉腓敗牆巢蟋蟀空室走蚍蜉讀史
思前哲臨書笑古肥生涯琴劍在何爲利名巖

慣乞東方米羞吹南郭等引杯看巨闕留客煮臯盧松菊
陶公徑縹緲陸氏廚居停原草澤莫笑列仙癯

未有狂同阮白來嬾似嵇人情嗤狡兔世局笑浮鷗撥火
焚薰陸裁詩寫惆悵長吟成獨坐窗外月如鉤

客到移藜榻詩成檢竹牌里居粗類栗門設每關柴北闕
書曾上南山劍有薶閒來無俗物羽扇並芒屨

講學懷披褐逃名笑鑿坏天涯無管鮑世外少王裴琅玕
和雲種番譜入草煨貧居安我拙城市任轟虺

莫效窮途哭須防俗客瞋予懷原落落人世漫斷斷筆少
揚雄鳳衣多子夏鶉自憐非駿馬空覓九方歎

局曲屋三椽盤餐粥與餽文章司馬室稍麥子雲塵長物

餘書劍知交托繫鉛眼前無限事還欲倩筵尊

琴書塵半榻花鳥路三叉戲逐筆人舞狂隨鼓吏拋分金
無鮑叔問字失侯芭尙有難平事長歌看鎖釵

地僻鳥啁啾人聲雜楚咻世情同嚼蠟生事等採闢看劍
朝開匣然鐙晚上篝莫將窮達算今古一浮漚

逐臭蠅堪笑營巢兔枉鸞道心安渾樸世味異酸鹹春雨
峯頭寺秋風渡口颿詩成頻起舞長嘯震層岳

趙城雜詠八首

崖門一綫倚天開繞郭西風晚更哀嶽色撐雲當檻出河
聲挾雨抱城來牙旂影散銷王氣戰血痕枯失霸才我欲
凭欄垂弔古石麟無語臥蒼苔

晚風吹墮葉紛紛國土橋邊又夕曛斷碣誰尋唐帝子崇
祠猶賽漢將軍鵬盤古戍深埋雪馬踏重關冷護雲歎息
英雄無限憾輸他騎鶴唱橫汾

割據三分委逝川人閒無夢記鈞天龍飛尙說屯兵地虎
踞猶傳剖竹年零落世家多易姓荒涼故壘半成田噴他
蹀躞桃林馬空把功名付執鞭

頻年蠟屐費躋攀懷古愁生蒼莽閒山勢北來尊泰嶽地
形西向走函關樓船影盡飛鴻散戍鼓聲沈戰馬閒惆悵
談兵奮時尉論功空擬唱刀環

說法曾聞石點頭荒唐世事總悠悠虛傳烈士悲屠狗豈
有神君喚飯牛柿葉飛殘仙亦老蓮花開盡佛應愁憑誰

問取眞如諦指點寒山說舊遊

簡子城邊草色深女媧陵畔雨沈沈神鐙不照興亡事古
井難澆世俗心尙有眞人傳碣石曾無俠士解分金鶯花
轉眼皆陳迹畱與天涯續舊吟

景物依稀憶故園綠楊城郭水環邨巖居半鑿山爲屋野
祭多裁紙作幡銅斗祇今銷怨血石棺終古泣殘魂秋風
曲罷秧歌續傾盡田家老瓦盆

難將軼事問山靈天使歸來夢已醒賸說殘符收代地空
傳擊缶抗秦庭泉分鐵柵增新碣字溯銅鐘失舊銘我是
年來兼吏隱狂歌應被野雲聽

讀劍南詩聊效其體作四首

斗覺春光到昨宵梅花嶺上暗香饒當門竹密窗難曙向
日檐高雪易消古屋壁憑殘畫補寒鐙薪帶破箕燒布帷
三尺清閒甚笑撥銅絃譜六么

醉吟長日伴詩魔門迥蕭閒少客過鐘激迴風傳響勁鑑
藏密室貯香多疏籬盡補因馴鹿禿筆慵書不換鵝欲向
嚴灘尋釣叟衝寒披上舊漁蓑

白雲深處掩柴扉露箬霜筠綠四圍撲案寒風凝硯水穿
籬新筍破苔衣奚奴試茗和冰煮稚子肩樵帶雪歸莫道
簞瓢滋味薄山中黃獨正初肥

寶鴨香殘晚更添小堂虛寂靜垂簾詩緣興至成偏捷人
爲心清夢亦甜日暖牆腰蛛曬網雪消林角雀窺檐鄴侯

舊是書中蠹檢點匡牀甲乙籤

漫興

連朝雨過落花殘
丁字簾遮亞字欄
又是早晴天氣好
紅樓高插曬衣竿

春陰三月養花天
半縷游絲半縷煙
何處風來聞笑語
隔牆兒女戲秋千

匝地繁花似錦鋪
鰕鬚十二認模糊
空庭盡日無人到
一樹濃陰臥雪姑

沈湘齋舊集

卷第一百四十一

九

沈湘齋舊集卷第一百四十一終

沅湘耆舊集卷第一百四十二

新化鄧顯鶴湘臯編輯

湘陰左宗植仲基校訂

彭解元珉二首

珉字玉吾湘陰人舉嘉慶戊午鄉試第一是科揭
曉第一爲傳晉賢聞墨出則玉吾文也榜出嘩然
時典試爲寧化伊墨卿秉綬監臨則姜慶香中丞
晟也究出晉賢賂書役某甲割卷弊實於是置某
甲三人於法晉賢亦懼重典而彭仍爲第一

嶽麓雜詠

棲鸞嘉樹倚雲栽一徑春深翠作堆聽得空林人語響山

僧遙踏落花來

琅玕萬个影珊珊繞院青煙撲曲欄留伴孤松殘雪裏月
明風靜耐餘寒

張潁州家柵

四首

家柵字小蒼湘潭人嘉慶戊午舉人官內閣中書
改湖北恩施鍾祥安徽鳳台青陽知縣權壽州牧
升潁州同知有礪松軒詩草

去郢

南飛北鴈阻孤征難得依依折柳情千嶺雲煙迷客路一
江風雨咽波聲但餘空橐充行李敢說窮途仗友生他日
漢臯重握手不煩仍作縣官迎

行有日矣因事中阻仍疊前韻

伏櫪中宵歎遠征
鹽車回首不勝情
茫茫海上尋仙侶
一天空聽鶴聲
幾處酸辛慚冷炙
重來消息記前生
扁舟漂蕩風奔浪
自有漁郎渡口迎

回湘

磬折庭前別上官
重湖南望水漫漫
牽蘿補屋良工拙
剗肉醫瘡妙手難
誰向金臺收駿骨
莫忘安邑累猪肝
春來野草依然綠
肯逐秋風落葉乾

飄茵落溷且隨緣
讀罷離騷嬾問天
赤手也曾持寸鐵
好官原不在多錢
彈冠貢禹聯鑣去
擁雪袁安閉戶眠
黃鶴未歸吾欲返
煙波浩渺白雲邊

秦宜昌敬衡二首

敬衡原名光倬字竹浯善化人以拔貢授禮部七品小京官嘉慶戊午京闈舉人累遷禮部郎中終宜昌府知府

都門寄呈慎齋先生

衣染都門塵夢繞故山麓清福受已太無怪今竭蹶故人遺我書墩上臺新築桃梅月季花嫋嫋映修竹撫書重躊躇何處訪顧陸繪我眾芳圖立我花閒屋

林閒雙白鶴託蔭松陰裏鎖日將翱翔舉翮因風起一鶴忽飛還爰尋昔所止一鶴阻道長懷舊空復爾安得爲鶴言松齡靡窮已他時盼蒼髯孫枝正連理

黃安遠文變 一首

文變字理堂善化人嘉慶戊午京闈舉人歷官甘肅文縣江西安遠縣知縣

嶽麓前亭

崢嶸二亭西與東勢不相下爭英雄崔嵬傑立鼎三足此亭奕奕當厥中麓山如屏樹如畫到處點綴成佳話何當一攬靈境全盪我心胸豁眼界往從絕頂俯湘湄捫蘿陟磴形漸疲百里蒼茫渾一氣煙光嵐氣望迷離亭子軒軒不受部倚欄快觀湘中奇先生談經鐘並響天地古今示諸掌此中空洞千萬涵清曠怡宜此亭敞導我游息濬靈府突兀見茲神思爽勝水勝山總前因倦者不易探清新

非遇其人疇挈出搜奇尋異不嫌頻植基宜固積宜厚太
美壯觀得諸久幸與登臨樂後樂遺跡朱張古未有

柳舉人廷方

九首

廷方字坦田長沙人嘉慶戊午舉人有來青堂詩
集坦田屢試禮部不第窮阨以終歿後其門人凌
工部玉垣荻舟始謀刊其集貽余一冊近體多警
句時露侘傺不平之氣烈士暮年壯心不已可爲
太息也

擬古

少小罹憂患利精耽經史蓬矢射四方遠遊自茲始登高
望東吳江南不盈咫天塹悲長風奔濤若雲駛擊劍從羽

林飲酒適燕市驅馬復歸來暮歲肉生髀

步出洛東門曠野餘蓬蒿賈傳昔少年絳灌等兒曹膏火
還自煎繭絲坐自縲烈士常苦辛名重謗亦豪倦翮駭顏
風旅行多號咷古人日已遠愴焉心忉忉

宣和御墨枇杷圖歌

宣和繪事稱殊絕一枝彷彿臨風折金丸萬顆綴流黃檗
蒲錦罽成碎纈天水小印間遺章珍玩窮搜花石綱官家
清賞未知極烽火已及牟駝岡青城落日流螢積良嶽春
風長燕麥百年臺榭盡灰塵矧此區區圖畫跡紫澤北去
成蓬徙白雁渡江陵廟毀遺民冢上哭冬青不及昭陵殉
繭紙

渡黃河和張葦塘孝廉

九曲黃河水奔騰作帶看三年悲短鬢一葉下狂瀾
濤捲天風急衣驚客子單雄心復蕭颯把劍坐更闌

泊淮關避暑次西園韻

雲壓波如墨風聲戰雨酣一襟秋乍浣孤枕夢回甘
遠水搖新碧涼天縹蔚藍新詩紛嚼雪吟興勝清談

雷鳴寺月夜懷館中諸子

遙夜兀然坐一庭風露清空山今夜月孤館別離情
劍老風塵氣詩餘燕趙聲開懷斟濁酒涼漏已三更

清江楊莊守聞述懷疊次長洲王又尹助教原韻

瀛洲仙馭許誰攀回首名場興漸剛歲月塵中雙鬢
髮天

涯笛裏舊家山鷗鄉有夢恬
煙水蝸國何心戰觸蠻湖上
青峯如識我笑儂顏鈍一開顏

歡場如夢渺難攀騰得風情
老未刪清口碧乘三月漲淮

南青認六朝山黃墟往事思
鄰笛自注去年陳芷庭卒南陽瓦店紅廟誰

家唱小蠻獨有風流江左客
清詞一例掃朱顏

湘江詞

湘江城外草如煙湘江城下水連天
昨日東風今日雨行人愁上洞庭船

彭肥城閭二十六首

閭字體謙號葑谷湘鄉人嘉慶戊午舉人官山東
濟陽肥城知縣有東夢樓集葑谷爲薄墅拔萃興

護諸父與同縣舒青洋蔣師大兄弟交好酬唱最
富歿後多散佚茲從其從孫曉杭學博洋中許得
一冊爲刪節存之

釣臺懷古

秦季紛逐鹿劉項爭兩強得士以蕃昌失士以喪亡卓哉
無雙傑蔚爲萬夫望出奇軼陳平定策先子房用兵尤獨
絕尙父高韻頑一戰拳趙幟再舉平齊疆負此不世勲振
翩將安翔亦知相背貴肯爲解衣忘才高主所震烏盡弓
斯藏奪齊已太甚積毀還中傷一朝長樂宮千載爲悲涼
語稀事烏有功狗烹固當渺渺淮流永沈沈釣臺荒娥姁
誠如鬼烏喙尤難量陳涉置守冢布越無全吭文終亦何

幸廟食荷恩長

贈郭竹澳

地兼昔武城人誰漢循吏我來監催科知君篤撫字君才
合蘭臺 朝廷急吏治鄒魯文學邦河東股肱地惟君
神明宰小試莊以澄昔者圃生杞今茲懸象畏祿養潔華
白訟庭長苔翠見貽錦繡章燦若紫霞麗慙余砥礪質駭
觀天廟器又苦惟正供難市薛中義可憐公田租半賣私
室特緩之誤度支急之荒秉耒五夜胥役呼千村婦子淚
所幸慈惠師甘棠陰蔽芾矧值游刃餘越俎復何代萬事
貴持平通情乃無累念此感人心姑就君謀醉

黃州懷大蘇先生舊遊

先生本是人中龍下筆走電鞭長風天遣江山供吟嘯黃
州淅落如飄蓬此州形勝原清絕赤鼻附城森截縹流雲
有態竹娟娟江上清風山閒月水曹郎台遇詩人造物無
盡詩如神干搖樊口扁舟雪五醉海棠空谷春從茲居士
號非故東坡之名擬白傳興來桂柑望美人顧視人世皆
塵霧洞簫嫋嫋客何爲羽衣道士眞令威雄豪意氣付流
漸邀月對飲形神飛呼謫仙人是耶非戎裝細馬龍邱子
帽著方屋來居此郭古二生亟相從潘家邠老供甘醴一
時賓客天下才風流幾度看花回綠楊橋畔玉山頽命落
磨竭詩瓊瑰遷謫於公何有哉平生妙會仙靈語得江山
助神鼓舞青蠅罔極亦徒然成公大名垂萬古春波澹蕩

斜照微想像當時醉墨揮百東坡翁杳何處七百年來此
樂希

三山嶺

我聞蓬萊左股失夜半幻作三山列江岸初疑此山綿邈
擅靈區誰其守者踈防扞將無飛仙騁奇怪移向人間恣
汗漫或云夸娥二子具神力帝遣挾山趙海俱賞玩吳二
助靈六丁驅雷擘電鞭夜方旦域中忽教有仙窟神界未
須覓天畔半生夢想幾經秋今朝目擊一笑粲廣無半里
高數尋大名浪得真欺謾豈緣仙山本虛無偶爾謬稱孰
推按不然部婁何神奇山不自名誰所喚世間胷昧豈惟
山把酒臨風發長歎

滁州懷古

平生最有山水癖此行閱遍青山宅江山知我耽勝遊環
滁萬山森動魄豐樂亭前斷續煙清流關上嵯峨石紛紛
鵝據等蠻觸悠悠懷古生愴惻千古風流歐陽子一時文
章老宗伯煙霞料理成勝區詩酒縱橫盛嘉客肯信江山
有偏僻但教文物增赫奕七百餘年幾滄桑六一公名懸
竹帛湖州祀韓滁祀公千秋盛典光簡冊自來聲教藉名
賢未須慷慨悲遷謫天憐此地荒蕪久故遣公來一開闢
蚍蜉蟻蝶不一瞬豈有青蠅點白璧滁山蔥鬱水清碧涵
濡百年景猶昔仰公大節賀公遭何暇訟及公冤抑

彭城懷古

黃河之水天上來，漚千七百渠。聲如雷，奔流到此勢一束。
河伯鬱怒濤成堆，邙城角西泗流駛。長洪南下尤波詭，鉅
隄嶽嶽高於城。百萬人家落井底，當年作郡髯蘇翁。千漚
夜發聲，浮空城堞不沒者三板。太守獨立天冥蒙，一朝河
復奠。民莫穹，隆十丈黃樓作羽衣。吹笛新詩成，咳唾九天
珠玉落。此時龍虎盛嘉賓，賦就淩雲如有神。相視而笑樂
莫樂，李太白後無此人。仙翁一去風流渺，七百餘年空蔓
草。戲馬臺側斜照寒，放鶴亭中輕煙繞。我來低徊古渡濱，
松竹蕭蕭青無垠。愛詠公詩春雲暮，楚山鬢鬢水鱗鱗。

樂平雜詠

聊攝界西偏，清吟意渺然。至河長此地，賜履復何年。良相

鍾離意高風魯仲連蒼茫懷古夕一笛雪晴天

懷歸宿不願怪底日清吟戰地空齊魯無山自古今宵燈

千戶讀政簡一絃琴獨坐容高嘯更殘玉漏沈

自注春秋戰于清即此地

庚午暮春遊千佛山寄懷

盤行石磴互高低磨蟻迴旋境欲迷邃穴真成龍窟宅陰

崖不辨日東西有時亢旱頻興雨此日驕陽正望霓

聖世効靈河嶽事百神何以慰蒸黎

黃河浩蕩日渾渾鉅野吾山駭浪奔瓠子到今憂

聖主庚辰記昔啟仙源壯遊我敢方遷史異穴人疑探禹

門寄語龍威休秘惜支那寒管正雲鶴

自注聞河漢語江口

惜無好句問青天枉讀南史第一節來日大羅粉簿錄幾

生修到是神仙箇中直合三山景界外微分九點煙可但
萍蹤偶然駐不求丹訣不參禪

上清官府近如何從倚雲關漫放歌廣樂也期聞帝所客
星若箇到天河見稱碁局判會爛不信神仙事更多一笑
飄搖墮塵界翻將兀坐羨頭陀

負箇詩成類楚狂公然意氣笑顏唐何曾怪事書空屢憤
送他人作郡忙起舞中宵雙匣劍振衣千仞一壺觴浮雲
世態邯鄲枕且聽樵歌出上方

未信躬耕事不經幾番憑弔思冥冥中天世界今猶昔初
登臨夢亦醒虛室依然僧足白此山終古佛頭青含情
擬向如來笑居共虞皇石易靈

雲峯隱隱翠層層不盡凌虛感慨增紫氣照臨客非想黃
河塞決我何能樽開北海忘賓主米索東方笑斗升俗債
酒狂折磨甚學仙未就況爲僧

酒債詩懷等樣添武陵記合倩陶潛護禪偏是巖巖石好
句誰如昔昔鹽一曲鏡湖懷賀監幾時玉帶鎖蘇髯呼童
欲去卻回首想像天花微笑拈

三遊明湖疊次張蓉裳元韻

已驚霜鬢數莖華未識頭綱入餅茶萬里煙波長泛梗一
天風雨正飛花畫船簫管湖邊客秋月尊鱸夢裏家三尺
短簑半篙水有人宵醉楚江槎

湖上航

四百餘年此古亭臨風搔首望天廷門懸倚獲人謀濟燕

入空傳鬼語靈十郡江山依舊碧半湖蘆荻爲誰青傷心
忍讀前朝史徙倚闌干月滿汀

鐵公祠

執耳騷壇此盛傳中朝第一仰坡仙秋風刻石烏尤道夜
雨題詩白下船水面名亭猶昔日峭山寒食幾新煙如何
令僕爲公累冷落鄉關四十年

水面亭

家世湘南半畝宮東遊特看海連空宰官身似雲初出仙
枕人如酒乍中此夕星樓澄是鏡誰家畫角遠吹銅橘林
楓葉秋江思又聽尊前唱惱公

北斗宮

蔣舉人湘城十首

湘城字

湘鄉人嘉慶戊午舉人與其伯兄湘

培仲兄湘埔及季弟湘垣齊名時稱四蔣詩見莫

如樓詩選台刻

讀新息侯傳因書交州事

江心亂蹴銅鼓鳴灘聲激石奔雷霆飛鳶跼跼墜霾霧曾
是將軍洗兵處白水天子明見萬里餘乃以蕙苴爲明珠
英雄白爲馬革死下澤款段何爲乎壺頭蹉跎豈失策千
古雲臺一鳴咽桓桓貌虎英國公三建旌旄亦人傑腐儒
弄舌老將愁珠崖之棄何足儔文犀跋跋香象舞殘鬼秋
陰哭銅柱

讀劉文成公詩隨筆

強吳作沼烏喙疑扁舟南下浮鷗夷留侯不取萬戶印晚
暮赤松眞我師神仙將相偶然事直以餘力優爲之文終

功人豈功狗何乃老對刀筆爲干鈞一發有攷弩冥冥鴻
飛弋何施英雄自古有如此萬事常觀失意時

讀于忠肅公傳

嗚呼土木喪師日國蹙時危異人出微公天下遂披離誰
道南宮仍紫極禁中定策氣始雄鎮以安靜師和同天清
地夷隨指畫薊門以北仍堯封倉皇奪門猛於虎半夜天
星酒飛雨孤臣一死竟何名碧血空澆一抔土嗚呼小人
勿用古所危孰使貪竊天功爲處人骨肉有正變措畫萬
全斯得之悲哉嚴冰立鷺鷥至今齋谷爲涕洟商山芝老
黃臺曼想像當年畫策時

唐昭宗賜錢武肅王鐵券歌

自注青邱近有
歌因重作之

紇干凍雀竟若何羅平妖鳥如蒼鷺聖明三公等何物洛
州不復揮天戈錢王一劍舉吳越破巢禽昌如掃葉功成
詔許畫凌煙坐領中書把旄鉞石鑑山頭城傑起東府錦
衣照江水虎符龍節天上來鏤鐵鐫功誓終始三節還鄉
吳王歸強弩射潮潮倒飛斗牛無字人無欺錢唐王氣光
歲蕤岐晉再來唐室破石門華州幾顛播可憐券誥滿天
下靖難回天無一箇礪山賊徒起草中金祥受冊何匆匆
晚節甘爲孫仲謀當時枉識羅江東可憐崩角如翻掌表
曰臣鏐昧死上先朝遺物成何事棄置人間等飛芥零落
丹書字幾行銅駝金狄雨蒼茫唐家宰相留名在白馬清
流嗟可傷

新竹

我聞老坡言甯使食無肉生不願封千戶侯但得渭川千
畝竹年來荷鉅事幽興欲向鑑湖尋一曲每聞好竹輒臨
看未問主人先拭目天公與我賞心事一夜風動簾當谷
曉看迸地放青梢頗似森森露頭角寸萌已具尋丈勢堅
防莫遣牛羊牧浮筠膩滑不畱手細響琤琤如戛玉翩然
得風聊一笑潄兮沍露如新沐人生那得一日無他時會
看千竿綠勿學爲杖化陂龍底用作花餐鸞鷟但令養成
君子德直氣虛心吾所服閱歲方知根節深凌雲未怕風
霜觸卽今蒼翠待成林想見爭新應簇簇汗簡平生吾倦
次歲月升沈更何卜爾曹大有凌雲筆會寫雲章侍天幄

步林香雪身 卷第一百四十一
百年嘯詠會幾時勝情不繫如黃鵠對此還當笑口開徘徊且盡尊中醪

岳麓山亭

楓林蕭瑟石巖古迸落寒泉洒飛雨繁林絡石山忽開清
潭迴台光吞吐高亭排雲立孤聳倒浸半陂波浪涌前臨
官路夾長楸西望長江浩呼洶竹榭茅舍無塵埃且復小
坐雲嵐堆萬壑度盡松風迴萍池荷沼空翠來亭邊碧桃
三百樹疑是海州仙人之所栽何當看花及花發載酒一
日傾千杯人生哀樂亦何有千古傷懷漢南柳他年重此
遇桓公風流猶似靈和否興極哀絲動豪竹欲挽江流泛
樽酒荒煙落日千古心獨立蒼茫一迴首

招屈亭二首

沐髮咸池事已遙洞庭落葉正蕭蕭便從詹尹難

有巫陽何處招早日先鳴愁鷓鴣暮年芳草怨蘭椒

天遠無消息欲折瑤華未敢要

千年家國怨難論上帝何曾照覆盆未見瓊枝詒下女徒

聞稚子戀秦嬀武關一去成狙詐鄢郢俄來竟虎吞他日

魂歸非故國豈堪重問兩東門

望塞上山川

百郡河山拱上京時清天險罷論兵萬家亭障閒吹笛四

野桑麻綠陰城霜淨角鷹衝塞影草枯胡馬踏沙聲深秋

稍渡飛狐出落日邊風右北平

樵林

山花溪鳥解將迎
樵客相逢隱姓名
樹深幽洞難知路
日落隔林時有聲
蘼蘼白屋憐鄉味
瓢笠青山少世情
我欲結茅西崦住
苔磯穩坐看雲生

首

崇正字知敬號諤軒安化人嘉慶戊午舉人官衡
山教諭諤軒以己酉拔貢得官故有恭紀詩

引 見勤政殿蒙 恩以教諭卽用恭紀

宸衷殷簡擢藹吉萃同人藹向懽
迎曙鳬趨並及晨履衢
朝露湛望闕曉烟勻鄉戶舛鷓鴣
皇言奉綽綸研經
先澤衍釋褐素懷伸荆園輪完樸
滄波起尺鱗儒惟宗道

義官詎計清貧祿養烏私遂銘心夙夜寅

沅湘耆舊集卷第一百四十一終